

Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones Clementis XII. ab Anno V. usque ad X.

Luxemburgi, 1748

CLXX. Dismembratio Officii Criminalis ab Officiis Civilibus Notariorum
Tribunalis Eminentissimi Almæ Urbis Vicarii, & ejusdem respective nova
erectio: necnon Confirmatio facultatum dicti ...

[urn:nbn:de:hbz:466:1-75393](https://nbn-resolving.org/urn:nbn:de:hbz:466:1-75393)

CLXX.

Dismembratio Officii Criminalis ab Officiis Civilibus Notariorum Tribunalis Eminentissimi Almæ Urbis Vicarii, & ejusdem respectue nova erectio: nec non Confirmatio facultatum dicti Eminentissimi Vicarii procedendi tam in Urbe, quam in Suburbis, & Districtu in Causis omnibus Civilibus, & Criminalibus, & Mixtis mere laicalibus, & prophanis, & inter mere laicos ad instar aliorum Romanæ Curie Judicum Ordinariorum.

CLEMENS EPISCOPUS

Servus Servorum Dei, Ad perpetuam rei memoriam.

Exordium.

Romanus Pontifex providus Justitiæ Vindex, ex debito Apostolicæ, sibi ex alto commissæ sollicitudinis munere libenter intendit ad ea, per quæ Justitia ipsa ubique locorum præsertim in Alma Urbe nostra ab expertis, probisque administrata viris, debitum sibi exigat cultum, illumque sic exigens morum consulat probitati, ac criminum obstat pravitati: Et ut pravitas ipsa attentius detegatur, detectaque sibi debitas experiatur pœnas, vetera separat, & nova erigit actorum criminum æqua lance existimandorum, loca, aliaque desuper opportuna decernit, prout ad eliminandam pravitatem hujusmodi conspiciat in Domino salubriter expedire.

§. 1. Exposuit siquidem nobis nuper dilectus filius noster Joannes Antonius tituli Sanctorum Silvestri, & Martini in Montibus nuncupati de Urbe S. R. E. Presbyter Cardinalis Guadagni nuncupatus noster secundum carnem ex Sorore germana Nepos, nosterque in Urbe præfata, ejusque districtu Vicarius in spiritualibus generalis, quod alias f. re. Benedictus Papa XIII. Prædecessor noster ad promovendum Romanæ Curie Tribunalium bonum per suam Constitutionem, quæ incipit -- *Summi Apostolatus Officium*, -- statuit, & decrevit, quod ad litigantium indemnitati, & solatio consulendum singulis decennis per Successores suos Romanos Pontifices pro tempore existentes unus ex ejusdem S. R. E. Cardinalibus deligeretur, qui Judicarias Romanas Curias sub certis modo, & forma, ac cum plena, & libera facultate faciendi, gerendi, corrigendi, exequendi, & exequi faciendi, omnia, & singula, quæ ad earundem Curiarum, aut alicujus earum, illarumque officiorum Notariatuum, Notariorum, Curforum, & Mandatariorum correctionem, si qua opus esset, & pauperum litigantium juvamen, nec non decretorum & sanctionum super dictarum Curiarum regimine editarum implementum pertinentia, Apostolica auctoritate visitaret, & ut visitatio hujusmodi, omniaque in ea gerenda celeriores, & propitiorem sortirentur executionem, eidem Cardinali Visitatori, sic, ut præfetur electo, ut ipse quæcumque mandata, & vivæ vocis oracula accepta debitis executioni demandari, eisque firmiter, & plene obtemperari facere, aliosque Convitatores, Jurisperitos, Prælatos, aut Forenses, & Curiales viros, qui votum consultivum in Casibus, & rebus ex præfati Cardinalis Visitatoris arbitrio pendentibus haberent, sibi eligi, libere, & licite valeret, licentiam eadem Apostolica auctoritate, concessit, & indulgit: Et alias, prout in præfata Constitutione sub datum pridie nonas Februarii ejusdem Benedicti Prædecessoris, Pontificatus Anno Secundo expeditis, plenius continetur.

§. 2. Proptereaque dictus Joannes Antonius Cardinalis, & Vicarius noster in sui Vicariatus exordio prout circumspæctum decet Præsidentem, suum Vicariatus Tribunal, curiamque ad incor-

ruptæ Justitiæ normam sancte custodiendam, & ad evellendam, si qua reperirentur in iis, absurdum zizania, visitare cupiens, Justitiæque sitiens, & proxime futuri decenni moras pati nesciens apud nos humiliter enixeque institit, quatenus sibi, ut ipse per dilectum filium Magistrum Ferdinandum Mariam de Rubéis in utraque signatura nostra Referendarium, virum doctrina, rerumque experientia satis præditum satique commendabilem, dictique Joannis Antonii Cardinalis Locumtenentem universam sui Vicariatus curiam cum omnibus, & singulis præfatis, aliisque ad id necessariis, & opportunis facultatibus visitare facere libere, & licite valeret, concedere de benignitate Apostolica dignaremur.

§. 3. Nos igitur expositis præfatis hilari, paternoque a nobis acceptis exauditu eisque laudatis in Domino benigne inclinati, petitam licentiam cum omnibus, & singulis tam in Benedicti Prædecessoris Constitutione præfata (quam hic pro expressa, ac de verbo ad verbum nihil penitus omisso haberi volumus pro inserta) Cardinali Visitatori generali eligendo præfato quomodolibet concessis quas ad eundem Joannem Antonium Cardinalem Vicarium extendimus, quam aliis quibuscumque facultatibus ad id necessariis, & opportunis, Apostolica auctoritate præfata impartiti fuimus.

§. 4. Et licet ex visitatione a præfato Magistro Ferdinando Maria laudabiliter, attenteque peracta quamplura ad debitum Justitiæ in Vicariatus Tribunali, decorem evenierint bona a nobis excepta, laudataque nihilominus pro eo, quod quatuor dicti Vicariatus Curie Notariatuum officiis ab Eugenio IV., Alexandro VI. & Sixto V. Romanis Pontificibus eorum Apostolica auctoritate erectis, quæ vacabilia existunt, in eorundem Officiorum respectue erectione tam Civilium, quam Criminalium causarum cognitio concessa fuit; Ex permixta causarum hujusmodi cognitione assignata, Criminales causæ sic Civilibus permixtæ vigilem illam, quæ eas decet, & quam ad procurandum publicum Justitiæ, morumque probitatis bonum, exigunt indaginem difficiliter obtinent.

§. 5. Et attendentes, quod si criminalium causarum cognitio a causarum Civilium cognitione, ut infra a nobis, & prout sicut etiam accepimus in providis præfati Benedicti Prædecessoris dilecto etiam filio nostro Vincentio tituli S. Hippolyti ejusdem S. R. E. Presbytero Cardinali Petra nuncupato tunc visitatore generali existente id sibi consulente, fuit votis, ab eisdem quatuor officiis præfatis perpetuo, ut infra dismembraremus, eaque sic dismembrata unum novum Notariatuum officium criminale nuncupandum pro causis criminalibus ejusdem Vicariatus Tribunalis inibi describendis, & agendis, ut infra, erigeremus, & institueremus: Ex dismembratione, erectione, & Institutione a nobis ut infra faciendis hujusmodi, causæ Criminales inibi debito promoverentur studio, & morum pravitas debitas sibi lueret pœnas, & tueretur honestas.

§. 6. Nos igitur ex provida nostri pastoralis officii cura laudabilibus dicti Joannis Antonii Cardinalis Vicarii erga bonum causarum Criminalium in ejus Tribunali promovendum votis benigne annuere volentes; Motu proprio, & ex certa Scientia meraque deliberatione nostris, deque Apostolicæ potestatis plenitudine a quatuor Notariatuum prædictorum officiis, & eorum quolibet omnem, & quamcumque facultatem quomodolibet scribendi, & agendi, in quibuscumque causis Criminalibus ad dictum Vicariatus Tribunal quomodolibet spectantibus, eis, & eorum cuilibet ab Eugenio, Alexandro, & Sixto Prædecessoribus præfatis respectue in eorum respectue erectione quomodolibet concessam perinde ac si eis, & eorum cuilibet nunquam concessa fuisset, sine

Data facultate visitavit.

Notariatus Vicarii Urbis lites cum Civilibus, cum Criminalibus amplectebantur.

Satis ducitur materiam hujusmodi discernere, & Notariatuum pro causis criminalibus tantum erigere.

Quatuor Notariatus Vicarii prohibetur in causis criminalibus se ingerere.

tamen

tamen reliquarum aliarum quarumcumque facultatum, ac quorumcumque privilegiorum ac indultorum scribendi, & agendi in causis, aliisque actis Civilibus eis, & eorum cuilibet à Romanis Pontificibus Prædecessoribus nostris per eorum respective literas Apostolicas, seu in forma Brevis, quarum quidem literarum respective tenores eisdem præsentibus similiter pro expressis haberi volumus Apostolica auctoritate quomodolibet concessarum, quibus nunc fruuntur & gaudent, & quodlibet eorum fruatur, & gaudeat, ac quas, & quæ omnia eis, & eorum cuilibet per easdem præsentibus, eadem Apostolica auctoritate, approbamus, confirmamus, & innovamus, ac quatenus opus sit de novo concedimus, præiudicio; attento etiam, quod quatuor officiorum præfatorum, quæ, ut præfertur vacabiliter existunt, vacabilitate in huiusmodi modica eorum detrimenti parte per opportune consultum existit, Apostolica auctoritate, perpetuo dismembramus, auferimus, delemus, poenitusque abolemus.

Novum Notariatum pro Causis Criminalibus.

§. 7. Eaque a nobis per præsentibus sic dismembrata, ablata, poenitusque abolita, unum novum Notariatum dicte Vicariatus Curie officium Criminale nuncupandum ad instar aliorum Notariatuum Criminalium officiorum Romanæ Curie, quod non vacabile existat cum omnibus, & singulis facultatibus, licentiis, ac privilegiis quibus cetera Romanæ Curie Notariatuum officia gaudent, ac cuius dispositio ad Joannem Antonium nostrum, & ad pro tempore existentis Romani Pontificis Cardinalem Vicarium spectet, & pertineat, pro uno Notario a nostro nunc, & pro tempore existentis Romani Pontificis Cardinale Vicario deputando, qui privative, quoad reliquos alios Vicariatus Curie præfate Notarios quoscumque processus super causis criminalibus ad Vicarii Curie huiusmodi Tribunal spectantibus formare, & instruere sciat, & valeat, ac debeat, & teneatur.

Huic Notario interdicitur immiscere se Causis Civilibus, sub pena nullitatis actuum &c.

§. 8. Cum hoc tamen, quod nullo modo nulloque prætextu aut quæsto colore in quavis causa civili ad quemlibet Notariorum civilium Vicariatus Curie præfate se ingerere præsumat; & si se ingerere præsumpserit sui Notariatus officio privatus existat eo ipso, omnesque, & singuli actus ab eo in causa civili per eum quomodolibet gesti, in Iudicio, & extra illud existant, nulli, & invalidi, nulliusque roboris, & momenti, prout ex nunc per easdem præsentibus semper fore, & esse decernimus, & declaramus; Apostolica auctoritate perpetuo erigimus, & instituimus.

Novum officium liberæ dispositioni Vicarii Urbis reservatur.

§. 9. Illudque sic erectum, & institutum omnimodè liberæque dispositioni auctoritati, & Jurisdictioni nostri, & Romani Pontificis pro tempore existentis Vicarii, ita quod sibi illud locare, dislocare, arrendare, in administrationem concedere, omniaque, & singula emolumenta, ex eo quomodolibet provenientia in ipsius Notariatus Officii criminalis nuncupati a nobis per præsentibus erecti, ministrorumque ei inservientium manutentionem, & si quæ detractis manutentione huiusmodi, aliisque expensis superfuerint in dictis Notariatus Officii a nobis per præsentibus erecti huiusmodi, aliisque pios usus pro ejus libero, providoque arbitrio convertere nostra, vel cuiusvis alterius licentia desuper minime requisita, eadem Apostolica auctoritate perpetuo subijcimus, & subiectum esse volumus.

Præfati Vicario confirmantur facultates alias ei concessæ a Pontificibus, ac præsertim a Benedict. XIII.

§. 10. Ac insuper cupientes, quod præfatus Joannes Antonius Cardinalis Vicarius omnimodè liberamque sui Vicariatus tam in Urbe præfata, quam in ejus districtu in Civiles, & Criminales causas ad eum quomodolibet spectantes cumulativam cum omnibus aliis Iudiciis Ordinariis Urbis Jurisdictionem pacifice exer-

cere valeat, sibi omnes, & singulas facultates Cardinali Romani Pontificis Vicario pro tempore existenti concessas a pluribus Romanis Pontificibus Prædecessoribus nostris præsertim a Clemente X., Innocentio XIII. & a præfato Benedicto per suum motum proprium desuper editum tenoris sequentis videlicet:

Bened. XIII. Breve.

§. 11. Benedictus Episcopus Servus Servorum Dei. Ad futuram rei memoriam. In supremo Apostolatus solio meritis licet imparibus divina dispositione constituti ex incumbenti Nobis Pastoralis Officii debito ad ea libenter intendimus, per quæ Alma Urbis nostræ prospero statui, & felici directioni opportune consulitur, & propterea ea, quæ desuper a Prædecessoribus Nostri Romanis Pontificibus provide facta fuisse comperimus partim approbamus, & confirmamus, partim vero aliis iustis causis ita suadentibus alteramus, & immutamus, ac facultates, & Jurisdictiones, etiam de novo concedimus, & indulgemus, aliasque ejusdem Officii nostri partes favorabiliter interponimus, prout rerum, temporum, & personarum, illarum præsertim, quas in partem Apostolicæ sollicitudinis evocavit Altissimus, qualitate pensata conspiciamus in Domino salubriter expedire. Sane cum sicut accepimus alias se. re. Innocentius Papa XIII. Prædecessor noster officium Vicariatus alme Urbis nostræ tunc suæ, & illius suburbiorum, & Districtus, quod etiam alias piæ me. Paulus Papa IV. etiam Prædecessor noster pro uno ex S. R. E. Cardinalibus, qui illud per pro tempore existentem Romanum Pontificem sibi concessam absque dispensatione Apostolica ad ejus vitam obtineret, & per se ipsum, seu ab eo Deputatos Vicesgerentem, & suffraganeum, ac in Civilibus & criminalibus Locumtenentes exerceret de fratrum suorum consilio, & communi consensu erexit, & instituit prout in erectione, & institutione huiusmodi, & seu forsan desuper confectis literis plenius continetur, quodque alias b. me. Joannes Dominicus tituli S. Anastasi ejusdem S. R. E. Presbyter Cardinalis Parracianus nuncupatus etiam dum viveret, obtinebat per obitum dicti Joannis Dominici Cardinalis, qui apud Sedem Apostolicam debitum naturæ persolverat vacans ad prosperum, & felicem statum dicte Urbis in spiritualibus dirigendum sollicitis studiis intendens ad Venerabilem Fratrem nostrum tunc suum Fabricium ejusdem S. R. E. Cardinalem Paulinum nuncupatum tunc Episcopum Albanen. ob eximie circumspectionis industriam, cognitam bonitatem, singularem integritatem, atque prudentiam fidei, ac justitiæ zelum, & in magnis, & arduis præfate S. R. E. ejus honorabile membrum existit negotiis experientiam comprobata, nec non alia multiplicum virtutum bona, quibus ejus personam illarum largitor Altissimus insignavit, direxit oculos suæ mentis certam in Domino spem habens, quod idem Fabricius Cardinalis gratia ei assistente divina officium ipsum summa cum prudentia, fidelitate, & diligentia exercuisset, motu suo proprio non ad ejusdem Fabricii Cardinalis, vel alterius pro eo eidem Innocentio Prædecessori super hoc oblate petitionis instantiam, sed ex certa scientia, meraque deliberatione suis, deque Apostolicæ potestatis plenitudine officium præfatum sic vacans eidem Fabricio Cardinali per eum quoad viveret, aut Vicesgerentem & suffraganeum, nec non locumtenentem, seu locumtenentes suum, vel suos exercendum cum omnibus, & singulis privilegiis, facultatibus, prerogativis, præeminentiis, immunitatibus, exemptionibus, & Jurisdictionibus, nec non honoribus, & oneribus, Iudiciis, & emolumentis solitis, & consuetis, quibus alii in dicta Urbe, Suburbis, & districtu prædictis Vicarii in spiritualibus Romanorum Pontificum Prædecessorum suorum pro tempore fuerant, uti, potiri, frui, & gaudere potuerunt, seu etiam debuerunt,

au&oritatem

auctoritate Apostolica concesserit, & assignaverit, & alias prout in dicti Innocentii Prædecessoris in forma Brevis sub Annulo Piscatoris desuper expeditis literis, etiam plenius continetur, & subinde singularum dictarum literarum, aliorumque præmissorum tenores, etiam virores, ac datas, nec non alias d. Officii Vicariatus facultates, si quæ essent: pro expressis habens antedictas Officii Vicariatus huiusmodi concessionem, & assignationem, motu, scientia, & potestatis plenitudine similibus confirmaverit, & approbaverit, ipsumque Fabricium Cardinalem in suum, & Urbis, ac Suburbiorum, & Districtus præfatorum Vicarium, nec non Rom. Curie Judicem Ordinarium denuo assumperit, constituerit, & deputaverit, curam, regimen, & administrationem, liberumque exercitium officii huiusmodi, vel plenarie committendo cum potestate omnia, & singula faciendi, gerendi, disponendi, ordinandi, mandandi, & exequendi, quæ ad huiusmodi Vicariatus Officium de Jure, stylo, consuetudine, aut alias quomodolibet pertinere dignoscantur, & quæ omnes alii Vicarii Urbis, ejusque Suburbiorum, & Districtus de Jure, stylo, & consuetudine, vel alio quocumque modo, & titulo dicere, facere, ordinare, mandare, & exequi poterant, & debebant, ac etiam vigore omnium, & quorumcumque Indultorum, facultatum, & privilegiorum per se. re. Paulum secundum, Clementem Septimum, Paulum Tertium, Julium item Tertium, Pium Quartum, Pium Quintum, Clementem Octavum, aliosque Romanos Pontifices Prædecessores nostros tunc suos concessores ante literas pæ. Pauli Papæ V. etiam Prædecessoris nostri tunc sui sub datum Kal. Martii Anno Incarnationis Dominicæ Millesimo Sexcentesimo Undecimo super reformatione Tribunalium Urbis, editas, cum declarationibus tamen, & reformationibus contentis in litteris prædicti Pauli Papæ V. juxta quas, & respective ad eum statum, in quo erant ante easdem literas præfati Pauli V. etiam se. re. Innocentius Papæ XII. similiter Prædecessor noster tunc dicti Innocentii XIII. in suis literis super suppressione, abolitione, & abrogatione Tribunalium, & Judicum Urbis ex privilegiis constitutorum editis, & expeditis 15. Kal. Octobris anno ejusdem Incarnationis Dominicæ Millesimo Sexcentesimo Nonagesimo Secundo facultates, privilegia, & Indulta Vicario pro tempore existenti dictæ Urbis ejusque Districtus per præfatos, & alios etiam posteriores Romanos Pontifices concessa in Judicialibus duntaxat reduxit, seu reformavit, quas quidem Constitutiones Prædecessorum huiusmodi, omniaque, & singula Indulta, facultates, & privilegia, ut præfatur officio Vicariatus huiusmodi, & Vicariis præfatis in Judicialibus concessa, & ad statum præfatum redacta, quarum, & quorum tenores idem Innocentius XIII. Prædecessor pro plene & sufficienter expressis, & insertis habens salvas, & salva esse, ac in suo firmitatis robore permanere declaravit, voluit, & mandavit, nec non illas & illa pro potiori cautela, Apostolica auctoritate approbaverit, confirmaverit, & innovaverit, eisdemque modis, & formis, quibus ab ipsis Prædecessoribus suis emanarunt, similibus auctoritate, & tenore de novo perpetuo concesserit, & indulserit, firmis quoque, & illas remanentibus aliis Indultis, privilegiis, & facultatibus Judicialia non respicientibus eidem pro tempore existenti Vicario, & Vicariatus officio quodcumque etiam post dictam reformationem præfati Pauli V. Prædecessoris concessis, & reformatis, & quomodolibet competentibus, ipsumque Fabricium Cardinalem in præfata Urbe, ejusque Suburbis, & Districtu Vicarium in præmissis, & circa præmissa, seu quolibet ipsorum competentem Judicem, & executorem motu, scientia, & auctoritate paribus declaraverit, & constituerit, & deputaverit, & ut officium præ-

fatum idem Fabricius Cardinalis melius, & liberior prosequi valeret; motu pari, deque scientia, & potestatis plenitudine similibus mandaverit omnibus, & singulis, ad quos spectat, cujuscumque status, dignitatis, ordinis, gradus, vel conditionis existerent, quatenus in exequendis iis, quæ ad officium ejus præfatum, & Jurisdictionem pertinere noscebantur, omnibus possibilibus auxiliis, consiliis, & favoribus opportunis assisterent, eique pariter obedirent, prout ipsi Innocentio XIII. Prædecessori dictoque Fabricio Cardinali literas præfatas in omnibus, & per omnia suffragari debere, illasque, & in eis contenta quæcumque sub quibuscumque similium, vel dissimilium facultatum, & gratiarum revocationibus, suspensionibus, derogationibus, limitationibus, aut aliis contrariis dispositionibus nullatenus comprehendendi, nec per eas immutari, suspendi, limitari, moderari, aut ad terminos Juris reduci posse, sed perpetuo validas, & efficaces fore, & esse, & quidquid illarum vigore a dicto Fabricio Cardinale gestum, statutum, factum, mandatum, Indultum, & executum foret, perpetuam Juris, & roboris firmitatem obtineret, & nullo unquam tempore de subreptionis, vel obreptionis, aut nullitatis vitio, seu intentionis dicti Innocentii XIII. Prædecessoris, vel quopiam alio defectu notari, impugnari, vel ad terminos Juris reduci, seu in Jus, vel controversiam revocari, ac omnes, & singulos processus, sententias, quos, & quas per quoscumque Judices, & officiales in præjudicium attributa, & concessa sibi Jurisdictionis præfata haberi, & promulgari contigisset, nullas, nulliusque roboris, vel momenti fore, & esse, & ita per quoscumque Judices Ordinarios, vel delegatos etiam Causarum Palatii Apostolici Auditores, ac præfatos S. R. E. Cardinales, sublata eis, & eorum cuilibet qualibet aliter judicandi, & interpretandi facultate, in quavis causa, & instantia judicari, & diffiniri debere, & si secus super his a quoquam quavis auctoritate scienter, vel ignoranter contigerit attentari, irritum, & inane dicta auctoritate voluerit, decreverit, & statuerit, ac alias, prout in memorati Innocentii XIII. Prædecessoris sub datum videlicet 13. Kal. Octobris Pontificatus sui anno Secundo expeditis literis plenius continetur. Cumque, sicut etiam accepimus etiam alias se. pariter re. Clemens Papæ X. etiam Prædecessor noster bo. me. Gasparem dum viveret ejusdem S. R. E. Presbyterum Cardinalem de Carpineo nuncupatum in suum, & dictæ Urbis Suburbiorum, ac Districtus præfatorum Vicarium, nec non Romanæ Curie Judicem Ordinarium ad Universitatem omnium, & quarumcumque causarum cujuscumque qualitatis, & speciei, etiam si essent mere laicales, & prophana, & inter mere laicos, ad instar aliorum Romanæ Curie Judicum Ordinariorum, ita ut inter eum, & illos nulla considerari posset differentia, etiam si ageretur in gradu recursum a sententiis tantum Judicum Urbis, & Districtus, & inter quascumque personas exemptas, & speciali nota dignas, & quæ specialem mentionem requirerent, assumpserit, constituerit, & deputaverit, ac alias, prout in aliis ejusdem Clementis X. Prædecessoris sub datum Romæ apud S. Mariam Majorem Anno Incarnationis Dominicæ millesimo sexcentesimo septuagesimo primo pridie Idus Augusti Pontificatus sui Anno II. expeditis literis, etiam plenius continetur. Nos igitur qui quantum cum Domino possumus, ad rerum omnium statum salubriter dirigendum nostræ Considerationis intuitum libenter extendimus, & in iis, quæ ad illarum regimen, & gubernium profutura cognovimus, opem, & operas nostras impendimus efficaces, eundem Fabricium Cardinalem modernum Episcopum Portuen. & S. Rufinæ dictæ Almæ Urbis nostræ, ejusque districtus, & Suburbiorum Vicarium in spiritualibus generalem ampliori-

bus

bus favoribus, & gratis prosequi, ac dicti Vicariatus officii indemnitati, ac feliciori regimini providere volentes, eundem Fabritium Cardinalem, & Vicarium, aliosque pro tempore dicto Vicariatus officio potuituros, & gavissimos in Jurisdictione Vicariatus dictae Urbis illiusque Suburbiorum, & Districtus juxta praefatas literas Apostolicas per dictum Clementem X. Praedecessorem favore memorati Gasparis Cardinalis de Carpineo nuncupati dictae Urbis, ac Suburbiorum, & districtus Vicarii in spiritualibus generalis emanatas in ea tantum parte, in qua idem Clemens X. Praedecessor disposuit Cardinalem Vicarium Urbis, ac Districtus, & Suburbiorum praefatorum habere Jurisdictionem cumulativam cum omnibus aliis Judicibus Ordinariis Urbis praefatae in causis civilibus & criminalibus, etiam mixtis inter personas mere laicas, & in causis omnibus mere laicalibus, & prophanis motu pari non ad ejusdem Fabritii Cardinalis, vel alterius pro eo nobis super hoc oblatae petitionis instantiam, sed ex scientia, & potestatis plenitudine similibus tenore praesentium reintegramus, & plenarie restituimus, ac Jurisdictionem hujusmodi ei, & eis de novo concedimus, & indulgemus, itaut dictus Fabritius Cardinalis, & ceteri Urbis praefatae ac Districtus, & Suburbiorum hujusmodi Vicarii, qui pro tempore erunt, eorumque Vicegerentes, & suffraganei, ac Locumtenentes, aliique Judices, ab eis deputati, ac pro tempore deputandi, Jurisdictione cumulativa cum omnibus aliis Judicibus Ordinariis Urbis praefatae, ut supra libere, & licite uti possint, & valeant absque eo, quod a quoquam quavis auctoritate, praetextu, aut causa impediri quoquo modo possint, & ita per quoscumque Judices Ordinarios, vel delegatos, quavis auctoritate fungentes, etiam causarum Palatii Apostolici Auditores, ac praefatae S. R. E. Cardinales, etiam de latere legatos, vicelegatos, Sedisque Apostolicas Nuncios, sublata eis, & eorum cuilibet alteri judicandi, & interpretandi facultate, in quavis causa, & Instantia judicari, & diffiniri debere, & si secus super his a quoquam quavis auctoritate scienter, vel ignoranter contigerit attentari, irritum, & inane decernimus.

§. 12. Non obstant dicta Constitutione praefati Innocentii XII. Praedecessoris nostri, cui quatenus opus sit in hac tantum parte, aliisque Reformationibus, & Decretis a quibusvis Judicibus quavis auctoritate fungentibus, ac etiam viva voce oraculo emanatis, aliisque Constitutionibus, & Ordinationibus Apostolicis, etiam in Conciliis generalibus editis, stylo Palatii, Regulis Cancellariae Apostolicae prohibentibus mandata executiva alias quam sub plumbo expeditis, ac facultatibus, & Jurisdictionibus praefatae Almae Urbis Gubernatori, Senatori, & Populo Romano, & Causarum Curiae Camerae Apostolicae generali Auditori, Praefidi, & Magistris Viarum, ac praefatae S. R. E. Cardinalibus, ac aliis quibusvis Judicibus, & Officialibus, etiam laicalibus quacumque auctoritate fungentibus, & quibuscumque aliis personis sub quibuscumque tenoribus, & formis, ac cum quibusvis etiam derogatoriis derogatoriis, aliisque efficacioribus, efficacissimis, & insolitis clausulis, nec non irritantibus, & fortioribus decretis, etiam motu, scientia, & potestatis plenitudine similibus etiam concistorialiter per nos, seu quoscumque alios Romanos Pontifices Praedecessores nostros in contrarium forsan quomodolibet concessis, confirmatis, & approbatis, ac etiam iteratis vicibus innovatis, etiam si cautum sit in eis expresse, quod illis nullatenus, vel non nisi sub certis inibi expressis & nominatis modis, & formis derogari, seu contra illa quidquam concedi possit. Quibus omnibus, & singulis, etiam si de illis, eorum totis tenoribus, specialis, specifica, expressa, & individua, ac de verbo ad verbum, non autem

per clausulas generales idem importantes mentio, seu quavis alia expressio habenda, aut alia exquisita forma ad hoc servanda foret, illorum tenores, ac si de verbo ad verbum nihil penitus omisso insertis, & forma in illis tradita observata forent, praesentibus pro plene, & sufficienter expressis, ac de verbo ad verbum insertis habentes, illis alias in suo robore permanentibus, hac vice dumtaxat, Motu, & scientia similibus specialiter, & expresse derogamus, & derogatum esse, nec illa eisdem praesentibus adversari, vel obstat volumus ceterisque contrariis quibuscumque. Volumus etiam, quod earumdem praesentium transumptis semper, & quodcumque stetur, & plenaria fides adhibeatur, tam in Judicio, quam extra illud, ac si eadem praesentes exhibita, vel ostensa forent. Nulli ergo omnino hominum liceat hanc paginam nostrae reintegrationis, restitutionis, concessionis, indulti, decreti, derogationis, & voluntatis infringere, vel ei ausu temerario contraire. Si quis autem hoc attentare praesumpserit, indignationem Omnipotentis Dei, ac Beatorum Petri, & Pauli Apostolorum ejus se noverit incursum. Datum Romae apud Sanctam Mariam Majorem Anno Incarnationis Dominicae millesimo septingentesimo vigesimo quarto, sextodecimo Kalend. Septembris, Pontificatus nostri Anno I.

§. 13. Eidem Joanni Antonio Cardinali Vicario nostro, Motu, & auctoritate nostris similibus approbamus, confirmamus, innovamus, eique de novo concedimus, ac illas semper adversus quodcumque juris impedimentum sibi suffragari debere, & quidquid secus adversus eas, contigerit attentari, irritum, & inane decernimus.

§. 14. Ac demum eidem Joanni Antonio Cardinali, de cujus praecipuo, erga felicem Tribunalis sibi commissi hujusmodi successum studio plurimum in Domino confidimus, ut ipse tanquam noster, & Sedis Apostolicae delegatus omnia, & singula, quae in sui Vicariatus Curia ad rectius dirigendos Justitiae tramites, & ad pauperum litigantium magis consulendum indemnitati, rerum necessitas, & temporum sibi suaserit opportunitas, facere, innovare, decernere, & statuere libere, & licite possit, & valeat, plenam licentiam, plenamque facultatem earumdem pariter tenore praesentium concedimus, & impartimur.

§. 15. Nec non praesentes, omniaque, & singula in eis contenta quacumque etiam ex eo quod Notarii praefati aliique interesse habentes ad hoc vocati, & auditi non fuerint, vel ex eo, quod illa de facto processisse dici possent, sive etiam processerint, aut ex alia quavis juridica, & legitima, etiam necessario exprimenda causa vel quocumque praetextu de subreptionis, vel obreptionis, aut nullitatis vitio, seu intentionis nostrae, vel alio quovis defectu notari, impugnari, invalidari, retractari, & ad terminos juris reduci, aut in jus, vel controversiam revocari, aut adversus illa quodcumque juris, facti, vel gratiae, aut aperiitionis oris remedium impetrari, aut etiam Motu, & potestatis plenitudine similibus concedi, vel sub quibusvis Constitutionibus Apostolicis, vel Cancellariae Apostolicae Regulis editis, & edendis, ac literis Apostolicis in contrarium etiam Motu pari, & Concistorialiter emanatis, aut quibus aliis similibus, vel dissimilibus gratiarum revocationibus, suspensionibus, limitationibus, aut aliis contrariis dispositionibus comprehendi, nullo unquam tempore posse, sed semper ab illis excipi, & quoties illae emanabunt, toties in primum, & eum, in quo ante praemissa erant validissimum statum restituta, reposita, & plenarie reintegrata, ac de novo, etiam sub quacumque posteriori data per praefatum Joannem Antonium

Suprapositum Breve innovatur pro Eminentiissimo Cardine Guadagni.

Eique concedit ea statuere, quae pauperum indemnitati consulere possunt.

Praesens Constitutio nullo notari vitio potest.

Cardinalem

Cardinalem nostrum, & pro tempore existentem Romani Pontificis Cardinalem Vicarium quancumque eligenda concessa, validaque, & efficacia fore, & esse, sicque, & non alias per quoscumque Judices, etiam Caesarum Palatii Apostolici Auditores, ac ejusdem S. R. E. Cardinales, etiam de latere Legatos, sublata eis, & eorum cuilibet aliter judicandi, & diffinendi facultate, & auctoritate, judicari, & diffiniri debere; irritumque pariter, & inane quidquid secus super his a quoquam quavis auctoritate scienter, vel ignoranter contigerit attentari decernimus.

Obstantium derogatio.

§. 16. Non obstantibus quatenus opus sit nostra, & Cancellariæ prædictæ Regula de jure quæsitæ non tollendo nec non Apostolicis, etiam in Provincialibus, Synodalibus, & Universalibus Conciliis editis, & edendis specialibus, vel generalibus Constitutionibus, & Ordinationibus, ac quatuor dicti Vicariatus Curie hujusmodi primordiorum Notariatuum Officiorum respective erectione, dictique Tribunalis Vicariatus, aliorumque Tribunalium, nec non Urbis præfate etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis cuicque ex Tribunalibus præfatis, etiam super jure similes Causas, etiam privative quoad alios cognoscendi, & terminandi, & aliis quibuscumque, etiam Motu simili, & concistorialiter, aut alias in contrarium quomodolibet concessis, approbatis, & innovatis. Quibus omnibus, etiam si alias pro illorum sufficienti derogatione de illis eorumque totis tenoribus specialis, specifica, expressa, & individua, ac de verbo ad verbum non autem per clausulas generales idem importantes mentio, seu quævis alia expressio habenda, aut aliqua alia exquisita forma ad hoc servanda foret, tenores hujusmodi, ac si de verbo ad verbum nihil penitus omisso, & forma in illis tradita observata, inserti forent, eisdem præsentibus etiam pro plene, & sufficienter expressis habentes, illis alias in suo robore permanentibus, hac vice dumtaxat specialiter, & expresse Motu pari harum serie derogamus, ceterisque contrariis quibuscumque.

Clausulæ pænales contra Temerarios hujus Decreti.

§. 17. Nulli ergo omnino hominum liceat hanc paginam nostræ approbationis, confirmationis, innovationis, concessionis, dismembrationis, ablationis, delationis, abolitionis, decreti, declarationis, erectionis, jurisdictionis, subjectionis, licentiæ, impartitionis, derogationis, & voluntatis infringere, vel ei ausu temerario contraire; Si quis autem hoc attentare præsumpserit, indignationem Omnipotentis Dei, ac Beatorum Petri, & Pauli Apostolorum ejus se noverit incursum.

Dat. die 24. Decem. 1735. An. VI.

Datum Romæ apud Sanctam Mariam Majorem Anno Incarnationis Dominicæ millesimo septingentesimo trigésimo quinto, nono Kalen. Januarii, Pontificatus nostri Anno VI.

F. Card. Oliverius.

CLXXI.

Confirmatio Decreti Congregationis Episcoporum, & Regularium quo prohibetur in futurum Capitulo Generali Ordinis Fratrum Eremitarum S. Augustini Excalceatorum nuncupat. Congregationis Hispaniæ, & Indiarum, quominus concedat Provincialatus honorarios.

CLEMENS PP. XII.

Ad futuram rei memoriam.

Abusus in Provinciam Hispaniæ, &

§. 1. Nuper pro parte dilecti filii Alphonsi a Magdalena, Fratris expresse professi ac

Bullarii Romani Contin. Pars IX.

Vicarii Generalis Congregationis Hispaniæ, & Indiarum Ordinis Eremitarum S. Augustini Excalceatorum nuncupatorum Congregationi Ven. Fratrum nostrorum S. R. E. Cardinalium negotiis, & consultationibus Episcoporum, & Regularium præpositæ exposito, quod pluribus ab hinc annis in eadem Congregatione abusus conferendi nonnullis Religiosis Congregationis præfate, qui munus Ministri Provincialis minime exercuerant, gradus, honores, vocem, privilegia, & exemptiones, quibus gaudere solebant illi, qui Provincialatus hujusmodi munere functi fuerunt, cum nomine Provincialium honorarium, irreperat, totumque id in detrimentum Regularis observantiæ redundabat, ambitionis causam præbebat, & in Religionis ruinam tendebat, inter Religiosos invidiam concitabat, nec non in multis dissidia fovebat, videns non esse necessarios labores in Religione pro acquirendis illis honoribus, & exemptionibus, qui de Jure solum illis impertiebantur, idque aliarum dissensionum causa fuerat.

§. 2. Et in eadem expositione subjuncto quod Capitulum generale dictæ Congregationis die 20. Maii proxime venturi celebrandum erat, ipse Alphonsus prævidebat, quod juxta abusum prædictum in antecedentibus Capitulis introductum forsitan aliqui non deficiant, qui similes gradus, honores, & exemptiones Ministrorum Provincialium absque eo, quod Ministri Provinciales fuerint, postulerent, ideoque pro parte ejusdem Alphonsi præfate Congregationi Cardinalium supplicato, ut ad præcludendam januam ad tam perniciosas postulationes, & ad providendam abusus tam Vicario Generali, ac cuicumque alii pro tempore existenti Superiori, quam Definitoribus, ac Capitulis Provincialibus, & Generalibus similes gradus, & exemptiones conferendi facultatem interdicti plurimum cupiebat, & casu, quo illi deinceps contra prohibitionem præfatam ejusmodi gradus conferre auderent, nulli, & irriti haberentur, emanavit a prædicta Congregatione Cardinalium.

§. 3. Decretum tenoris, qui sequitur, videlicet: Sacra Congregatio Eminentissimorum, & Reverendissimorum S. R. E. Cardinalium negotiis, & consultationibus Episcoporum, & Regularium præposita, attenta Relatione Procuratoris Generalis nuper expositis, censuit rescribendum, pro ut præsentis Decreti vigore benigne rescribit: Pro prohibitione in futurum capitulo generali concedendi gradus honorarios Romæ die 16. Decembris 1735. Card. Franciscus Barberinus C. Archiepiscopus Chalcedonen. Secr. loco * Sigilli.

§. 4. Cum autem sicut dictus Alphonsus nobis subinde exponi fecit, ipse Decretum hujusmodi quo firmius subsistat, Apostolicæ Confirmationis nostræ patrocinio communiti, summo opere desideret. Nos specialem ipsi Alphonso gratiam facere volentes, & a quibuscumque excommunicationis, suspensionis, & interdicti, aliisque Ecclesiasticis sententiis, censuris, & pœnis a Jure, vel ab homine quavis occasione, vel causa latis, si quibus quomodolibet innodatus existit ad effectum præsentium dumtaxat consequendum harum serie absolventes, & absolutum fore censentes, supplicationibus ejus nomine nobis super hoc humiliter porrectis inclinati Decretum præinsertum auctoritate Apostolica tenore præsentium confirmamus, & approbamus, illique inviolabilis Apostolicæ firmitatis robur adjicimus, salva tamen semper in præmissis auctoritate memoratæ Congregationis Cardinalium.

§. 5. Decernentes easdem præsentibus literas semper firmas, validas, & efficaces existere, & fore, suosque plenarios, & integros effectus fortiri, & obtinere, ac illis, ad quos spectat, & pro tempore spectabit in omnibus, & per omnia plenissime suffragari, & ab eis respective inviolabili-

Indiarum in-
vectus Pro-
vincialis ho-
norum titu-
los gradusque
concedendi.

Procurator
Generalis id
interdicti sup-
plicat.

Decretum
Congrega-
tionis Epif-
coporum &
Regularium
super hoc.

Confirmatio
huiusmodi
Decreti.

Ejusdem
confirmatio-
nis firmitas.